

250



გარანტირებული სიმძლავრის ყიდვის შესახებ
ხელშეკრულების სტანდარტული პირობები

ქ. თბილისი

1 სექტემბერი 2014 წ.

პრეამბულა

წინამდებარე ხელშეკრულების სტანდარტული პირობები (შემდგომში „სტანდარტული პირობები“) შემუშავებულია საქართველოს სამოქალაქო კოდექსის, „ელექტროენერგეტიკისა და ბუნებრივი გაზის შესახებ“ საქართველოს კანონის 231-ე მუხლის მოთხოვნათა გათვალისწინებით და საქართველოს ენერგეტიკის მინისტრის 2006 წლის 30 აგვისტოს №77 ბრძანებით დამტკიცებული „ელექტროენერგიის (სიმძლავრის) ბაზრის წესების“ მე-20, 21-ე და 22-ე მუხლების მოთხოვნათა შესაბამისად.

მუხლი 1. ზოგადი პირობები

1.1 წინამდებარე სტანდარტული პირობები წარმოადგენს წინასწარ ჩამოყალიბებულ, მრავალჯერადი გამოყენებისათვის გამიზნულ სახელშეკრულებო პირობებს (ტიპიურ სახელშეკრულებო ფორმულარს), რომელსაც ერთი მხარე - სს „ელექტროენერგეტიკული სისტემის კომერციული ოპერატორი“ (ტექსტში შემდგომში „ელექტროენერგეტიკული ბაზრის ოპერატორი“, რეგისტრირებული ქ. თბილისის საგადასახადო ინსპექციის მიერ 2006 წლის 7 აგვისტოს, რეესტრის №205170036, წარმოდგენილი მისი გენერალური დირექტორის ვახტანგ ამბოკაძეს მიერ) უდგენს იმ კვალიფიციურ საწარმოს, (ტექსტში შემდგომ „საწარმო“), რომელიც:

- ა) „ელექტროენერგეტიკისა და ბუნებრივი გაზის შესახებ“ საქართველოს კანონისა და „ელექტროენერგიის (სიმძლავრის) ბაზრის წესების“ (შემდგომში „ბაზრის წესები“) შესაბამისად მონაწილეობს ელექტროენერგიითა და გარანტირებული სიმძლავრით საბითუმო ვაჭრობაში;

- ბ) „ელექტროენერგეტიკისა და ბუნებრივი გაზის შესახებ“ საქართველოს კანონის შესაბამისად, საქართველოს მთავრობის დადგენილებით განსაზღვრულია გარანტირებული სიმძლავრის წყაროდ;
- გ) „ელექტროენერგეტიკისა და ბუნებრივი გაზის შესახებ“ საქართველოს კანონისა და „ბაზრის წესებით“ დადგენილი პირობების შესაბამისად, მზად არის, ქვეყნის ელექტროენერგეტიკული სისტემის ფუნქციონირებისა და ენერგოუსაფრთხოების მიზნით, უზრუნველყოს ელექტროენერგეტიკული სისტემა გარანტირებული სიმძლავრით.

1.2 საწარმოს სტანდარტულ პირობებთან მიერთება ხორციელდება მოქმედი კანონმდებლობისა და წინამდებარე სტანდარტული პირობების მე-4 მუხლის შესაბამისად.

1.3 სტანდარტული პირობები აწესრიგებს საწარმოს მიერ ელექტროენერგეტიკული ბაზრის ოპერატორის მეშვეობით ქვეყნის ელექტროენერგეტიკული სისტემის გარანტირებული სიმძლავრით უზრუნველყოფის წესს, აგრეთვე ამ სამართლებრივ ურთიერთობასთან დაკავშირებულ სხვა საკითხებს.

1.4. სტანდარტული პირობებით ხდება მოქმედი კანონმდებლობით, მათ შორის ბაზრის წესებით დადგენილი ნორმების შევსება. საკითხები, რომელიც არ არის გათვალისწინებული სტანდარტული პირობებით, რეგულირდება მოქმედი კანონმდებლობით.

მუხლი 2. ტერმინთა განმარტებები

2.1. სტანდარტულ პირობებში გამოყენებულ ძირითად ტერმინებს გააჩნიათ იგივე მნიშვნელობა, რაც გათვალისწინებულია „ელექტროენერგეტიკისა და ბუნებრივი გაზის შესახებ“ საქართველოს კანონით, საქართველოს ენერგეტიკის სამინისტროსა და საქართველოს ენერგეტიკისა და წყალმომარაგების მარეგულირებელი ეროვნული კომისიის მიერ გამოცემული (მიღებული) შესაბამისი კანონქვემდებარე ნორმატიული აქტებით.

მუხლი 3. სტანდარტული პირობების საგანი

3.1. სტანდარტული პირობების თანახმად, საწარმო, მოქმედი კანონმდებლობის და დისპეტჩერიზაციის ლიცენზიატის შესაბამისი მოთხოვნების გათვალისწინებით, ელექტროენერგეტიკული ბაზრის ოპერატორის მეშვეობით უზრუნველყოფს ქვეყნის ელექტროენერგეტიკულ სისტემას გარანტირებული სიმძლავრით, ხოლო, თავის მხრივ, ელექტროენერგეტიკული ბაზრის ოპერატორი, მოქმედი კანონმდებლობის შესაბამისად, უზრუნველყოფს გარანტირებული სიმძლავრის შემსყიდველი კვალიფიციური საწარმოებისაგან გარანტირებული სიმძლავრის საფასურის ამოღებას და დისპეტჩერიზაციის ლიცენზიატის მიერ წარმოდგენილი შესაბამისი ინფორმაციის გათვალისწინებით, ასევე ამ სტანდარტული პირობებით დადგენილი წესითა და პირობებით საწარმოსთან ანგარიშსწორებას.

მუხლი 4. სტანდარტულ პირობებთან მიერთება

4.1. საწარმო, რომელიც საანგარიშო პერიოდში იმყოფებოდა მზადყოფნაში და ფაქტობრივად გააჩნდა გარანტირებული სიმძლავრე, რაც ბაზრის წესებით გათვალისწინებული წესითა და ვადებში დაადასტურა დისპეტჩერიზაციის ლიცენზიატმა, შესაბამის საანგარიშო პერიოდში ჩაითვლება ამ სტანდარტული პირობების მხარედ.

4.2 სტანდარტულ პირობებთან მიერთებისთანავე საწარმო ხდება წინამდებარე სტანდარტული პირობებით გათვალისწინებულ უფლება-მოვალეობათა სუბიექტი.

მუხლი 5. გარანტირებული სიმძლავრის საფასური

5.1. საწარმოს მიერ უზრუნველყოფილი გარანტირებული სიმძლავრის საფასური გამოითვლება „ელექტროენერგეტიკისა და ბუნებრივი გაზის შესახებ“ საქართველოს კანონის, საქართველოს მთავრობის შესაბამისი დადგენილების, ბაზრის წესებისა და საქართველოს ენერგეტიკისა და წყალმომარაგების მარეგულირებელი ეროვნული კომისიის შესაბამისი დადგენილების თანახმად.

5.2 დისპეტჩერიზაციის ლიცენზიატის მიერ ელექტროენერგეტიკული ბაზრის ოპერატორისათვის გამოგზავნილი დადასტურებული ინფორმაცია საწარმოს მიერ

გარანტირებული სიმძლავრით ფაქტობრივად უზრუნველყოფის პერიოდის (დღეების მიხედვით) შესახებ, წარმოადგენს საწარმოსთან ანგარიშსწორების საფუძველს, თუ ამ სტანდარტული პირობებით სხვა რამ არ არის დადგენილი.

მუხლი 6. ანგარიშსწორება

6.1. საწარმოს მიერ უზრუნველყოფილი გარანტირებული სიმძლავრე აისახება ელექტროენერგეტიკული ბაზრის ოპერატორსა და საწარმოს შორის გაფორმებულ გარანტირებული სიმძლავრის ყიდვის აქტში. აღნიშნული აქტის ფორმას ადგენს საწარმო და ათანხმებს ელექტროენერგეტიკული ბაზრის ოპერატორთან.

6.2. საწარმო ელექტროენერგეტიკული ბაზრის ოპერატორს სათანადოდ გაფორმებულ და დამოწმებულ გარანტირებული სიმძლავრის ყიდვის აქტის 4 ეგზემპლარს ხელმოსაწერად წარუდგენს საანგარიშო პერიოდის დასრულებიდან არაუგვიანეს 7 კალენდარული დღისა. ელექტროენერგეტიკული ბაზრის ოპერატორი ვალდებულია ხელმოწერილი 2 აქტი დაუბრუნოს საწარმოს, მიღებიდან 2 კალენდარული დღის ვადაში.

6.3. იმ შემთხვევაში, თუ საწარმო არ ეთანხმება დისპეტჩერიზაციის ლიცენზიატის დადასტურებულ ინფორმაციას გარანტირებული სიმძლავრით ფაქტობრივად უზრუნველყოფის პერიოდის (დღეების მიხედვით) შესახებ და, შესაბამისად, არ აფორმებს 6.1 პუნქტით გათვალისწინებულ აქტს, ელექტროენერგეტიკული ბაზრის ოპერატორი ანგარიშსწორებას განახორციელებს მის მიერ ცალმხრივად ხელმოწერილი აქტის საფუძველზე, რომელიც დგება 5.2 მუხლში განსაზღვრულ ინფორმაციაზე დაყრდნობით.

6.4. გარანტირებული სიმძლავრის ყიდვის აქტის საფუძველზე, ხოლო 6.3 პუნქტით გათვალისწინებულ შემთხვევაში – ცალმხრივად ხელმოწერილი აქტის საფუძველზე, საწარმო გამოწერს და ელექტროენერგეტიკული ბაზრის ოპერატორს წარუდგენს შესაბამის საანგარიშსწორებო დოკუმენტაციას (ანგარიშ-ფაქტურას) გარანტირებული სიმძლავრის საფასურზე. საგადასახადო ანგარიშ-ფაქტურის გამოწერისა და წარდგენის პირობები და წესი რეგულირდება შესაბამისი საგადასახადო კანონმდებლობით;

6.5. ელექტროენერგეტიკული ბაზრის ოპერატორი ვალდებულია, არაუგვიანეს საანგარიშო პერიოდის დასრულებიდან 28 კალენდარული დღისა, საანგარიშსწორებო დოკუმენტაციაში

044
199

ან სხვა შესაბამის დოკუმენტში მითითებულ საბანკო ანგარიშზე გადარიცხვის გზით, პირდაპირ აუნაზღაუროს საწარმოს საანგარიშსწორებო დოკუმენტაციაში მითითებული თანხა. ვალდებულება შესრულებულად ითვლება საწარმოს საბანკო ანგარიშზე გარანტირებული სიმძლავრის სრული ღირებულების ჩარიცხვის დღეს. თუ ელექტროენერგეტიკული ბაზრის ოპერატორი არ ეთანხმება საანგარიშსწორებო დოკუმენტაციის (ანგარიშ-ფაქტურის) მონაცემებს, ელექტროენერგეტიკული ბაზრის ოპერატორი უფლებამოსილია საწარმოს აუნაზღაუროს საანგარიშსწორებო დოკუმენტაციაში (ანგარიშ-ფაქტურაში) აღნიშნული თანხის არასადავო ნაწილი.

6.6. თუ გარანტირებული სიმძლავრის ღირებულების (საქართველოს საგადასახადო კანონმდებლობით გათვალისწინებული საკომპენსაციო თანხის) კორექტირების შედეგად:

6.6.1. იზრდება გარანტირებული სიმძლავრის საფასური, ელექტროენერგეტიკული ბაზრის ოპერატორი ვალდებულია მაკორექტირებელი საანგარიშსწორებო დოკუმენტაციის (ანგარიშ-ფაქტურის) გამოწერის თვის დასრულებიდან არაუგვიანეს 28 კალენდარული დღისა აუნაზღაუროს საწარმოს კორექტირების შედეგად დამატებით გადასახდელი თანხა;

6.6.2. მცირდება გარანტირებული სიმძლავრის საფასური, საწარმო ვალდებულია მაკორექტირებელი საანგარიშსწორებო დოკუმენტაციის (ანგარიშ-ფაქტურის) გამოწერის თვის დასრულებიდან არაუგვიანეს 25 კალენდარული დღისა აუნაზღაუროს ელექტროენერგეტიკული სისტემის კომერციულ ოპერატორს სასარგებლოდ მეტობით რიცხული თანხა.

6.7. მხარეთა შორის ანგარიშსწორება, როგორც წესი, ხორციელდება უნაღდო ანგარიშსწორების წესით, თუ ელექტროენერგეტიკული ბაზრის ოპერატორის მხრიდან არ იქნება წერილობით მოთხოვნილი ანგარიშსწორების სხვა მიღებული წესის გამოყენება.

მუხლი 7. ელექტროენერგეტიკული ბაზრის ოპერატორის და საწარმოს ვალდებულებები

7.1. ელექტროენერგეტიკული ბაზრის ოპერატორი ვალდებულია:

7.1.1. მიაწოდოს საწარმოს მის ხელთ არსებული ნებისმიერი ინფორმაცია, რომელიც დაკავშირებულია გარანტირებული სიმძლავრით უზრუნველყოფასთან და/ან გარანტირებული სიმძლავრის საფასურის ანაზღაურებასთან.

7.2. საწარმო ვალდებულია:

7.2.1. მოქმედი კანონმდებლობის შესაბამისად უზრუნველყოს ქვეყნის ელექტროენერგეტიკული სისტემა გარანტირებული სიმძლავრით.

მუხლი 8. ფორს-მაჟორი

8.1. წინამდებარე სტანდარტულ პირობებში ფორს-მაჟორი და ფორს-მაჟორული მოვლენა რომელიმე მხარისათვის ნიშნავს ისეთ მოვლენას ან გარემოებას, რომელსაც მოცემული მხარე სათანადოდ ვერ აკონტროლებს, რომლის თავიდან აცილება, შეჩერება ან გამოსწორება არ ხერხდება, მიუხედავად მოცემული მხარის ყველაწარმოებული ძალისხმევისა, და რომლის შედეგადაც ან რომლის გამოც რომელიმე მხარე ვერ ასრულებს წინამდებარე სტანდარტულ პირობებიდან გამომდინარე თავის მოვალეობებს. ფორს-მაჟორულ მოვლენაში იგულისხმება (მაგრამ, არა მხოლოდ):

8.1.1. ომი, საომარი მოქმედებები, ბლოკადა, მობილიზაცია, რეკვიზიცია ან ემბარგო;

8.1.2. აჯანყება, რევოლუცია, ამბოხება, სამოქალაქო ომი, საზოგადო წესრიგის დარღვევა, სამოქალაქო არეულობა, საბოტაჟი და ტერორისტული აქტები;

8.1.3 ელვა, ხანძარი, აფეთქება, შტორმი, ქარი, წყალდიდობა, მიწისძვრა, ქარიშხალი და სხვა სტიქიური მოვლენები;

8.2. არც ერთ მხარეს არ მოეთხოვება ამ სტანდარტული პირობების შესრულება და არ ჩაეთვლება ვალდებულების შეუსრულებლობად, თუ ნებისმიერი ვალდებულების შეუსრულებლობის გამომწვევი მიზეზი ფორს-მაჟორული მოვლენაა, იმ პირობით, რომ ერთ-ერთი მხარის მიერ სახსრების ნაკლებობა არ ჩაითვლება ფორს-მაჟორულ მოვლენად.

8.3. მხარეები თავისუფლდებიან პასუხისმგებლობისგან წინამდებარე სტანდარტული პირობებით გათვალისწინებული ვალდებულებების ნაწილობრივ ან მთლიან შეუსრულებლობაზე მხოლოდ ამ მუხლის 8.1 პუნქტით გათვალისწინებული მოვლენების მოქმედების პერიოდში. ასეთ შემთხვევებში, წინამდებარე სტანდარტული პირობებით

განსაზღვრული ვალდებულებების შესრულების ვადები გადაიწევეს იმ პერიოდით, რომლის განმავლობაშიც მოქმედებს ფორს-მაჟორული მოვლენები.

8.4. ფორს-მაჟორული მოვლენის შემთხვევაში მხარემ, რომელსაც იგი უშუალოდ ეხება, 5 სამუშაო დღის განმავლობაში წერილობით უნდა აცნობოს მეორე მხარეს ამ მოვლენის შესახებ, შესაბამისი ფაქტების და მონაცემების, სავარაუდო შედეგებისა და მისი ხანგრძლივობის მითითებით, ხოლო მომდევნო ერთი თვის განმავლობაში უნდა წარმოადგინოს ფორს-მაჟორული მოვლენის დამადასტურებელი შესაბამისი დოკუმენტი (საქართველოს სავაჭრო-სამრეწველო პალატის მიერ დადგენილი წესით გაცემული ცნობა).

მუხლი 9. დავების გადაწყვეტა

9.1. ელექტროენერგეტიკული ბაზრის ოპერატორი და საწარმო განახორციელებენ ყველა შესაძლო ღონისძიებას, რათა მორიგებით დაასრულონ ნებისმიერი დავა ან უთანხმოება, რომელიც შესაძლოა წარმოიქმნას სტანდარტულ პირობებთან (მის განმარტებასთან, გამოყენებასთან ან/და შესრულებასთან) დაკავშირებით.

9.2. იმ შემთხვევაში, თუ მხარეები ვერ მიაღწევენ შეთანხმებას, სადავო საკითხი წარედგინება საქართველოს ენერგეტიკისა და წყალმომარაგების მარეგულირებელ ეროვნულ კომისიას ან საქართველოს ფარგლებში მოქმედ იმ სასამართლოს, რომლის იურისდიქცია ვრცელდება ამ სტანდარტული პირობების შესრულების ადგილზე.

მუხლი 10. სხვა პირობები

10.1. თუ სტანდარტული პირობების რომელიმე დებულება ან მისი ნაწილი ან რომელიმე მხარის მიმართ მისი გამოყენება არ არის კანონიერი ან მისი განხორციელება შეუძლებელია, მაშინ სტანდარტული პირობების ყველა სხვა დებულება, შეძლებისდაგვარად, წაიკითხება როგორც მოქმედი და განხორციელებადი ან იმგვარად, რომ ისინი კვლავაც სრულ ძალაში დარჩნენ, ხოლო უმოქმედო და განუხორციელებელი ნაწილი უნდა გამოეყოს სტანდარტულ პირობებს იმგვარად, რომ რაც შეიძლება სრულად იქნას შენარჩუნებული სტანდარტული პირობების სხვა დებულებების კანონიერება და მათი განხორციელების შესაძლებლობა.

საქართველოს
ენერგეტიკისა და
წყალმომარაგების
მარეგულირებელი
ეროვნული კომისია

Handwritten signature

10.2. სტანდარტული პირობებით გათვალისწინებული პირობები შესასრულებლად სავალდებულოა მხარეებისათვის და მათი შესაბამისი უფლებამონაცვლეთათვის. დაუშვებელია სტანდარტული პირობებით გათვალისწინებული ვალდებულებების გადაცემა სხვა მხარისათვის, მეორე მხარის წინასწარი წერილობითი თანხმობის გარეშე.

10.3. სტანდარტული პირობები რეგულირდება და განიმარტება საქართველოს კანონმდებლობის შესაბამისად.

10.4. ხელშეკრულების შესრულების ადგილია ქ. თბილისი.

10.5. სტანდარტული პირობები ძალაში შედის 2014 წლის 1 სექტემბრიდან და მოქმედებს უვადოდ.

სს „ელექტროენერგეტიკული სისტემის
კომერციული ოპერატორი“

მისამართი: საქართველო, თბილისი, ძველი
თბილისის რაიონი, ბარათაშვილის ქ. №2.

საბანკო რეკვიზიტები: სს „თბილისი ბანკი“,
ვერის ფილიალი

ბანკის კოდი TBCBGE22

ა/ა GE76TB7505936030100001

საიდენტიფიკაციო კოდი: 205170036

ვახტანგ აბოკაძე
გენერალური დირექტორი





საქართველოს ენერგეტიკისა და წყალმომარაგების
მარეგულირებელი ეროვნული კომისია

ბ ა დ ა წ ყ ვ ე ტ ი ლ ე ბ ა № 30/4

2014 წლის 14 აგვისტო

ქ. თბილისი

**გარანტირებული სიმძლავრის ყიდვის შესახებ ხელშეკრულების
სტანდარტული პირობების დამტკიცების შესახებ**

„ელექტროენერგეტიკისა და ბუნებრივი გაზის შესახებ“ საქართველოს კანონის მე-5 მუხლის მეორე პუნქტისა და 23¹ მუხლის მეოთხე პუნქტის საფუძველზე, საქართველოს ენერგეტიკისა და წყალმომარაგების მარეგულირებელმა ეროვნულმა კომისიამ გადაწყვიტა:

1. დამტკიცდეს თანდართული „გარანტირებული სიმძლავრის ყიდვის შესახებ ხელშეკრულების სტანდარტული პირობები“.
2. გადაწყვეტილება ძალაშია კომისიის სხდომაზე გამოცხადების დღიდან.
3. გადაწყვეტილება შეიძლება გასაჩივრდეს თბილისის საქალაქო სასამართლოში (მის: ქ. თბილისი, დავით აღმაშენებლის ხეივანი, მე-12 კმ, №6), მისი საჯაროდ გამოქვეყნებიდან ერთი თვის ვადაში.
4. დაევალოს კომისიის საზოგადოებასთან ურთიერთობის დეპარტამენტს (ნ. ლაშხია), დაუყოვნებლივ უზრუნველყოს ამ გადაწყვეტილების საჯაროდ გამოქვეყნება კომისიის შენობაში საჯაროდ ხელმისაწვდომ ადგილას და კომისიის ვებ-გვერდზე (www.gnerc.org).
5. კონტროლი გადაწყვეტილების შესრულებაზე დაევალოს კომისიის ელექტროენერგეტიკის დეპარტამენტს (ნ. ბერიძე).

თავმჯდომარე

კომისიის წევრი

კომისიის წევრი



ი. მილორავა

მ. ნადირაძე

გ. შონია

25/03-14'



გარანტირებული სიმძლავრის ყიდვის შესახებ ხელშეკრულების სტანდარტული
პირობების
ცვლილება N1

ქ. თბილისი

6 აგვისტო, 2018 წელი

საქართველოს ენერგეტიკისა და წყალმომარაგების მარეგულირებელი ეროვნული
კომისიის 2018 წლის 26 ივლისის N61/18 გადაწყვეტილების საფუძველზე, 2014 წლის 1
სექტემბრის (დისპეტჩერიზაციის ლიცენზიაციის რეგისტრაციის N5/004-00,
რეგისტრაციის თარიღი: 26.08.14) "გარანტირებული სიმძლავრის ყიდვის შესახებ
ხელშეკრულების სტანდარტულ პირობებში" განხორციელდეს შემდეგი სახის ცვლილება:

1. ხელშეკრულების მე-6 მუხლის 6.1 და 6.2 პუნქტები შეიცვალოს და ჩამოყალიბდეს
შემდეგი რედაქციით:
„6.1. საწარმოს მიერ უზრუნველყოფილი გარანტირებული სიმძლავრე აისახება
ელექტროენერგეტიკული ბაზრის ოპერატორსა და საწარმოს შორის მატერიალური
ან ელექტრონული ფორმით გაფორმებულ გარანტირებული სიმძლავრის ყიდვის
აქტში. აღნიშნული აქტის ფორმას ადგენს საწარმო და ათანხმებს
ელექტროენერგეტიკული ბაზრის ოპერატორთან.
6.2. საწარმო ელექტროენერგეტიკული ბაზრის ოპერატორს სათანადოდ
გაფორმებულ და დამოწმებულ გარანტირებული სიმძლავრის ყიდვის აქტის 4
ეგზემპლარს მატერიალური ან ელექტრონული ფორმით წარუდგენს
ხელმოსაწერად საანგარიშო პერიოდის დასრულებიდან არაუგვიანეს 7
კალენდარული დღისა. ელექტროენერგეტიკული ბაზრის ოპერატორი
ვალდებულია ხელმოწერილი 2 აქტი მატერიალური ან ელექტრონული ფორმით
დაუბრუნოს საწარმოს, მიღებიდან 2 კალენდარული დღის ვადაში.“;
2. ხელშეკრულების მე-6 მუხლის 6.7 პუნქტის შემდეგ დაემატოს 6.8 პუნქტი შემდეგი
რედაქციით:
„6.8. სტანდარტული პირობების 6.1 და 6.2 პუნქტით განსაზღვრულ შემთხვევებში,
მიღება-ჩაბარების აქტის ელექტრონული ფორმით შედგენა და გაფორმება
ხორციელდება ელექტროენერგეტიკული ბაზრის ოპერატორის ვებ-გვერდზე
(www.esco.ge) არსებული ელექტრონული სისტემის მეშვეობით. ელექტრონული
ფორმით გაფორმებულ და ხელმოწერილ მიღება-ჩაბარების აქტს აქვს
მატერიალური ფორმით გაფორმებული და ხელმოწერილი მიღება-ჩაბარების
აქტის თანაბარი იურიდიული ძალა.“.



3. წინამდებარე ცვლილება ძალაში შედის საქართველოს ენერგეტიკისა და წყალმომარაგების მარეგულირებელი ეროვნული კომისიის ადმინისტრაციულ-სამართლებრივი აქტით დამტკიცებისა და მოქმედი კანონმდებლობით დადგენილი წესით დისპეტჩერიზაციის ლიცენზიატთან რეგისტრაციისთანავე და მოქმედებს უვალოდ.

სს "ელექტროენერგეტიკული სისტემის
კომერციული ოპერატორი"

მისამართი: საქართველო, თბილისი,

ძველი თბილისის რაიონი, ბარათაშვილის ქ. #2

საბანკო რეკვიზიტები: სს "თიბისი ბანკი"

ბანკის კოდი TBCBGE22

ა/ა GE76TB7505936030100001

საიდენტიფიკაციო კოდი: 205170036

ვახტანგ ამბოკაძე

გენერალური დირექტორი





საქართველოს ენერგეტიკისა და წყალმომარაგების მარეგულირებელი ეროვნული კომისია

გ ა დ ა ო ყ ვ ე ტ ი ლ ე ბ ა №61/18

2018 წლის 26 ივლისი

ქ. თბილისი

„გარანტირებული სიმძლავრის ყიდვის შესახებ ხელშეკრულების სტანდარტულ პირობების დამტკიცების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/4 გადაწყვეტილებაში ცვლილების შეტანის თაობაზე

„ელექტროენერგეტიკისა და ბუნებრივი გაზის შესახებ“ საქართველოს კანონის მე-5 მუხლისა და 23¹ მუხლის მეოთხე პუნქტისა და საქართველოს ზოგადი ადმინისტრაციული კოდექსის 63-ე მუხლის საფუძველზე, საქართველოს ენერგეტიკისა და წყალმომარაგების მარეგულირებელმა ეროვნულმა კომისიამ

გადაწყვეტა:

1. საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/4 გადაწყვეტილების პირველი პუნქტით დამტკიცებული „გარანტირებული სიმძლავრის ყიდვის შესახებ ხელშეკრულების სტანდარტულ პირობებში“ შეტანილ იქნეს შემდეგი ცვლილება:

ა) 6.1-6.2 პუნქტები ჩამოყალიბდეს შემდეგი რედაქციით:

„6.1. საწარმოს მიერ უზრუნველყოფილი გარანტირებული სიმძლავრე აისახება ელექტროენერგეტიკული ბაზრის ოპერატორსა და საწარმოს შორის მატერიალური ან ელექტრონული ფორმით გაფორმებულ გარანტირებული სიმძლავრის ყიდვის აქტში. აღნიშნული აქტის ფორმას ადგენს საწარმო და ათანხმებს ელექტროენერგეტიკული ბაზრის ოპერატორთან.

6.2. საწარმო ელექტროენერგეტიკული ბაზრის ოპერატორს სათანადოდ გაფორმებულ და დამოწმებულ გარანტირებული სიმძლავრის ყიდვის აქტის 4 ეგზემპლარს მატერიალური ან ელექტრონული ფორმით წარუდგენს ხელმოსაწერად საანგარიშო პერიოდის დასრულებიდან არაუგვიანეს 7 კალენდარული დღისა. ელექტროენერგეტიკული ბაზრის ოპერატორი ვალდებულია ხელმოწერილი 2 აქტი მატერიალური ან ელექტრონული ფორმით დაუბრუნოს საწარმოს, მიღებიდან 2 კალენდარული დღის ვადაში.“;

ბ) 6.7. პუნქტის შემდეგ დამატოს შემდეგი შინაარსის 6.8 პუნქტი:

„6.8. სტანდარტული პირობების 6.1 და 6.2 პუნქტით განსაზღვრულ შემთხვევებში, მიღების-ჩაბარების აქტის ელექტრონული ფორმით შედგენა და გაფორმება ხორციელდება ელექტროენერგეტიკული ბაზრის ოპერატორის ვებ-გვერდზე (www.esco.ge) არსებული ელექტრონული სისტემის მეშვეობით. ელექტრონული ფორმით გაფორმებულ და ხელმოწერილ მიღება-ჩაბარების აქტს აქვს მატერიალური ფორმით გაფორმებული და ხელმოწერილი მიღება-ჩაბარების აქტის თანაბარი იურიდიული ძალა.“.

2. გადაწყვეტილება ძალაშია კომისიის სხდომაზე გამოცხადების დღიდან.

3. გადაწყვეტილება შეიძლება გასაჩივრდეს თბილისის საქალაქო სასამართლოში (მის: ქ. თბილისი, დავით აღმაშენებლის ხეივანი, მე-12 კმ, №6), მისი საჯაროდ გამოქვეყნებიდან ერთი თვის ვადაში.
4. დაევალოს კომისიის საზოგადოებასთან ურთიერთობის დეპარტამენტს, დაუყოვნებლივ უზრუნველყოს ამ გადაწყვეტილების საჯაროდ გამოქვეყნება კომისიის შენობაში საჯაროდ ხელმისაწვდომ ადგილას და კომისიის ვებ-გვერდზე (www.gnerc.org).
5. კონტროლი გადაწყვეტილების შესრულებაზე დაევალოს კომისიის ელექტროენერგეტიკის დეპარტამენტს.

ირინა მილორავა

კომისიის თავმჯდომარე

გიორგი ფანგანი

კომისიის წევრი

მაია მელიქიძე

კომისიის წევრი

დავით წარმანია

კომისიის წევრი